



**Ministarstvo za ljudska prava i izbjeglice  
Bosne i Hercegovine**

Na osnovu člana 10. stav (2) Zakona o budžetu institucija Bosne i Hercegovine i međunarodnih obaveza Bosne i Hercegovine za 2016. godinu („Službeni glasnik BiH“, broj 101/15) i člana 6. Odluke o kriterijima za dodjelu granta podrške općinama, nevladinim organizacijama i udruženjima za implementaciju Strategije u oblasti migracija i azila 2016-2020, koju je usvojilo Vijeće ministara Bosne i Hercegovine na 60. sjednici održanoj 14.06.2016. godine, te člana 6. Smjernica o postupku dodjele grant sredstava Ministarstva za ljudska prava i izbjeglice BiH, broj: 01-16-1-538/16 od 23.02.2016. godine, Ministarstvo za ljudska prava i izbjeglice Bosne i Hercegovine objavljuje

**JAVNI POZIV**

**za dodjelu granta podrške općinama, nevladinim organizacijama i udruženjima za  
implementaciju Strategije u oblasti migracija i azila 2016-2020**

**1. Cilj Javnog poziva**

Grant sredstva su namijenjena lokalnim zajednicama za jačanje njihovih kapaciteta u razvojnoj saradnji sa iseljeništvom, korištenju potencijala iseljeništva za lokalni razvoj, stimulisanju lokalnog ekonomskog razvoja i poticanju otvaranja novih radnih mjesta, uz aktivan angažman iseljeništva u realizaciji projektnih aktivnosti. U vezi s tim, ovim grantom će se podržati projekti koji će:

- a) Podržati lokalne zajednice i njihove socio-ekonomske partnere da efektivno koriste potencijal iseljeništva za lokalni razvoj;
- b) Stimulisati aktivno uključivanje iseljeništva u razvoj Bosne i Hercegovine.

Projekti moraju uključivati aktivan angažman iseljeništva u realizaciji projektnih aktivnosti, kroz učešće pravnih lica, organizacija iseljeništva ili pojedinaca.

**2. Korištenje Granta**

Grantom se mogu podržati projekti kojima se provode sljedeće vrste aktivnosti:

- a) Otvaranje/proširenje malih i srednjih preduzeća/obrta/poljoprivrednih gazdinstava;
- b) Poticanje otvaranja novih radnih mjesta;
- c) Promocija lokalnih razvojnih potencijala uz učešće iseljeništva;
- d) Transfer znanja i novih tehnologija od strane iseljeništva u svrhu ekonomskog razvoja i razvoja ljudskog kapitala;
- e) Edukacija, dokvalifikacija i prekvalifikacija (naročito za deficitarna zanimanja na području jedinica lokalne samouprave);
- f) Uspostavljanje novih i unaprjeđenje postojećih administrativno-informativnih usluga za iseljeništvo u jedinicama lokalne samouprave i/ili nevladinim organizacijama u lokalnoj zajednici;
- g) Uspostavljanje novih i unaprjeđenje postojećih informatičko-komunikacijskih i audio/video rješenja (hardver i softver) koji su direktno povezani s provedbom projektnih aktivnosti (npr. virtuelni matičar, web stranica, baze podataka itd.);

- h) U okviru projektnih aktivnosti, izrada i distribucija promotivnih materijala i druge aktivnosti na promociji projekta odobrenog iz grant sredstava, koje ne mogu iznositi više od 10% projektom planiranih finansijskih sredstava;
- i) Uspostavljanje novih i unaprjeđenje postojećih mehanizama za efektivno uključivanje iseljeničtva u lokalni razvoj;
- j) Razvoj i promocija turističkih potencijala lokalne zajednice;
- k) Aktivnosti manjeg obima na rekonstrukciji/izgradnji javne infrastrukture ili objekata;
- l) Međuopćinsko/regionalno umrežavanje i suradnja.

Sve projektne aktivnosti finansirane Grantom moraju biti provedene na teritoriji Bosne i Hercegovine.

### **3. Korisnici Granta**

Za dodjelu Granta mogu se prijaviti općine, nevladine organizacije i udruženja registrirana na području Bosne i Hercegovine.

Podnosioci prijave, prilikom podnošenja projektnog prijedloga, mogu:

- a) učestvovati vlastitim sredstvima,
  - b) vlastita sredstva udružiti s partnerima,
- i ista moraju biti prikazana u projektnom prijedlogu.

Svi podnosioci prijave prilikom prijave za projekte trebaju navesti partnere u projektu (iseljeničtvo<sup>1</sup> i/ili ostali) i priložiti Izjavu o partnerstvu.

### **4. Vrijednost pojedinačnih projekata i sufinansiranje**

Grant sredstva namijenjena za podršku općinama, nevladinim organizacijama i udruženjima za implementaciju Strategije u oblasti migracija i azila 2016-2020 u iznosu od 150.000,00 KM osigurana su tekućim grantom u okviru budžeta Ministarstva za ljudska prava i izbjeglice Bosne i Hercegovine.

Da bi projektni prijedlog mogao biti uzet u razmatranje, isti mora biti u skladu sa finansijskim kriterijima:

- Finansijski doprinos Granta po pojedinačnom projektu kojim se aplicira ne može biti niži od 5.000,00 KM, niti viši od 25.000,00 KM.

### **5. Trajanje projekata**

Krajnji rok za implementaciju svih projektnih aktivnosti je 31.01.2017. godine.

### **6. Pravila Javnog poziva**

Da bi prijava bila razmatrana, ista mora biti dostavljena u propisanoj formi (u skladu s tačkom 9), u zadanom roku i zadovoljavati sve dole navedene osnovne uvjete:

- Projektni prijedlog mora odgovarati cilju Javnog poziva;
- Projekat uključuje obavezno partnerstvo sa iseljeničtvom (dostavljena Izjava o partnerstvu);
- Traženi iznos finansiranja iz Granta mora biti u skladu s finansijskim kriterijima navedenim u tački 4. ovog poziva;
- Implementacija projekta mora biti okončano najkasnije do 31.01.2017.

**Projekti koji ne ispunjavaju sve prethodno navedene osnovne uvjete će biti odbačeni.**

Jedan podnositelj prijave se može prijaviti samo s jednim projektnim prijedlogom.

---

<sup>1</sup> U slučaju kada je podnositelj prijave nevladina organizacija koja ima svoje formalno predstavništvo i u zemlji prijema, isto se može smatrati partnerom iz iseljeničtva.

Evaluacija i bodovanje prijava koje ispunjavaju osnovne uvjete će se vršiti u skladu sa članovima 12, 13. i 14. Smjernica o postupku dodjele grant sredstava Ministarstva za ljudska prava i izbjeglice BiH.

## **7. Kategorizacija troškova**

Ukupna vrijednost administrativnih troškova projekta ne može prelaziti 10% od ukupnog traženog iznosa za projekt, a u zavisnosti od namjene grant sredstava.

U slučaju da se projektom predviđa nabavka opreme ona mora biti povezana sa realizacijom projektne aktivnosti i sredstva za ove namjene ne mogu prelaziti 20% od ukupnog budžeta projekta.

U budžetu projekta (Obrazac III) mora biti jasno naznačeno za koje aktivnosti se traži finansiranje od strane Ministarstva, a koje aktivnosti će biti finansirane vlastitim sredstvima ili sredstvima iz drugih izvora.

Prilikom izrade budžeta projekta, podnosioci prijava moraju imati na umu da se sljedeći troškovi smatraju **neprihvatljivim**:

- Dugovanja i rezerve za gubitke ili dugovanja;
- Dugovanja po kamati;
- Stavke već finansirane u sklopu nekog drugog projekta;
- Kupovina i iznajmljivanje zemljišta i postojećih zgrada;
- Troškovi režija (voda, struja, grijanje, internet i sl.), uz izuzetak ako je namjena grant sredstava usmjerena na finansiranje ovih troškova;
- Troškovi leasinga;
- Porezi i carinski troškovi;
- Kupovina korištene opreme;
- Troškovi jamstava i slični izdaci;
- Kreditiranje trećih osoba i sl;
- Studijske posjete, uz izuzetak da se mogu finansirati iz vlastitih sredstava;
- Kupovina vozila.

Projektni prijedlog koji u budžetu uključuje neprihvatljive troškove će biti odbijen.

Podnosioci prijave su dužni pripremiti budžet na Obrascu III.

## **8. Potrebna dokumentacija za prijavu**

Svaka prijava treba da sadrži popunjene propisane obrasce koji su sastavni dio ovog Javnog poziva i obavezne dokumente, kako slijedi:

- a) Obrazac projektnog prijedloga - Obrazac I;
- b) Plan aktivnosti - Obrazac II;
- c) Budžet projekta -Obrazac III;
- d) Logički okvir -Obrazac IV;
- e) Podaci o podnosiocu projektnog prijedloga -Obrazac V;
- f) Statut/Odluka o osnivanju (*ovjerena kopija*),
- g) Uvjerjenje o poreskoj registraciji i ID broj (*ovjerene kopije*);
- h) Ugovor s bankom o otvaranju transakcionog računa (*ovjerena kopija*);
- i) Izjava o partnerstvu sa iseljeništvom (*ovjerena kod nadležnog organa*) i dokaz o registraciji za pravna lica ili kratka biografija za fizička lica na jednom od službenih jezika u BiH (*ovjerena kod nadležnog organa*).

Pored navedenog, nevladine organizacije i udruženja su dužna dostaviti i sljedeću obaveznu dokumentaciju:

- a) Rješenje o registraciji (*ovjerena kopija*);
- b) Bilans stanja za prethodnu godinu (*ovjerena kopija*);
- c) Bilans uspjeha za prethodnu godinu (*ovjerena kopija*).

Dokumenti na osnovu kojih će se vršiti dodatno bodovanje su sljedeći:

- a) Dokaz da je projekat direktno povezan sa lokalnim razvojnim prioritetima (*kopija relevantnog dokumenta*).
- b) Izjava o osiguranom sufinansiranju (*ovjerena kod nadležnog organa*).

Svi Obrasci (I-V) moraju biti popunjeni, potpisani i ovjereni od strane odgovorne osobe podnosioca prijave.

**Nepotpune i neblagovremene prijave se neće razmatrati.**

### **9. Način podnošenja prijave**

Sve prijave moraju biti dostavljene na jednom od službenih jezika u BiH, blagovremeno i na propisanim obrascima, uključujući sve obavezne dokumente i priloge.

Prijave se podnose isključivo putem pošte, u zatvorenoj koverti, na adresu:

**Ministarstvo za ljudska prava i izbjeglice BiH, Trg BiH 3, 71 000 Sarajevo**

sa naznakom:

**„Javni poziv za dodjelu grantu podrške općinama, nevladinim organizacijama i udruženjima za implementaciju Strategije u oblasti migracija i azila 2016-2020“ za 2016. godinu**

Prijave se podnose isključivo na obrascima prijave kao što je naprijed naznačeno, a koji se nalaze na web stranici Ministarstva: [www.mhrr.gov.ba](http://www.mhrr.gov.ba).

### **10. Krajnji rok za podnošenje prijava**

Rok za podnošenje prijava je 21 dan od dana objavljivanja Javnog poziva u dnevnim novinama, a zaključno sa **19.8.2016. godine**. Nepotpune i neblagovremene prijave neće biti razmatrane.

### **12. Dodatne informacije**

Sva dodatna pitanja u vezi Javnog poziva se mogu dostaviti putem elektronske pošte, najkasnije 7 dana do isteka roka za podnošenje projektnog prijedloga, sa jasno naznačenim nazivom Javnog poziva u predmetu poruke, i to na sljedeću e-mail adresu: [iseljenistvo@mhrr.gov.ba](mailto:iseljenistvo@mhrr.gov.ba).

### **13. Obavijest o rezultatima Javnog poziva**

Obavijest o rezultatima odabira projektnih prijedloga kao i obavijesti o eventualnom odbacivanju ili odbijanju projektnih prijedloga će se dostaviti svim podnosiocima prijave.

Predviđeni indikativni vremenski okvir za okončanje procesa zaprimanja prijave je sljedeći:

<b>AKTIVNOST</b>	<b>DATUM</b>
Objavljivanje Javnog poziva	29.7.2016.
Krajni rok za dodatne upite i pojašnjenja	12.8.2016.
Krajnji rok za podnošenje prijave	19.8.2016.